

INUIT ATAQATIGIIT INATSIARTUNI



UKA2025/13

12.November 2025

Mariane Paviassen Jensen

Uunga siunnersuut: Aningaasarsianit akileraarutit pillugit Inatsisartut inatsisaata allanngortinnissaa pillugu Inatsisartut inatsisaat

(Aningaasaqarnermut Akileraartarnermullu Naalakkersuisoq)

Oqaaseqaat.

Inuit Ataquatigiinniit siunnersuummut pingaarutilimmut naatsumik
oqaaseqassaagut.

Inuit Ataquatigiit pingaartipparput namminersulernissarput, nunattalu
pisuussutaasa nunatsinniiginnarnissaannik soqutigisaqarluinnartuulluta,
siunnersuumik pineqartut tassaapput suliffeqarfiutillit nunatsinniit nunanut
allanut aallarlutik nuuttut akileraaruteqanngitsoortarnerisa
akileraaruserneqartalernissaannik siunnersuut.

Tamanna assortorsinnaanngilarput, kinaluunniimmi nunatsinni atuisimasoq
aningaasatigullu iluanaaruteqarsimasoq pinngitsoorani nunatsinnut aamma
akileraartussaataitaasaaq.

Siunnersuut pingaaruteqarpoq aammali misissoqqissaarneqartartariaqarluni,
suliffeqarfiutillit nunatsinniit iluanaarutiminnik nassarlutik nuuttarnerat
akuttunerarneqaraluartoq aningaasarpassuarnik naleqarsinnaasut
eqqartorpagut, ilumut naleqquttumik akileraarusersuinerput ingerlava?
Nunatsinni iluanaarutit tamakkiisumik akileraarutigineqartarpat?

Naalakkersuisut aappassaaneerneqarnissaannut allanguutissatut
siunnersuummik qaqitassaqaartut paasivagut, tassani pineqarlutik immikkut
akuersissuteqarnikkut, immikkut pisoqartillugu assersuutigalugu

INUIT ATAQATIGIIT INATSIARTUNI



napparsimaneq patsisaalluni nuukkallartoqartariaqartoqartillugu immikkut
akuerisaalluni siunnersuutaasup kinguneranik
eqqorneqanngikkallarsinnaanermik akuersisoqarsinnaatitalissaluni.

Pingaaruteqartorujussuuvorlu siunnersuummi anguniarneqartoq pinngitsoorata
nunatsinni anigaasat iluanaarutaasut nunatsinniit annisiinnarneqarsinnaanerat
killilerneqartariaqarpoq siunnersuumilu tamanna anguniagaasoq
taperserparput.

Qujanaq.